

**Iz brodograđevne i pomorske baštine**

Velimir SALAMON


# Vakonce na braceri

Tekst Komižanina Pavla Centina koji slijedi objavljen je u knjizi *Hrvatski dijalektološki zbornik*, Zagreb, 1977. No, radi njegova pojednostavljenja i lakšega čitanja uklonjeni su naglasci i mnogi dijakritički znakovi bitni za dijalektalni tekst. Međutim, ovdje je taj tekst važan, ne toliko za znanstvenika koliko za projektanta broda, koji se mora potruditi upoznati funkciju svakoga pojedinog elementa broda u raznim uvjetima vjetra i mora. Pritom, shodno staroj latinskoj izreći *Omne Rerum Mensura Homo* (Čovjek je mjera svih stvari), ali i u skladu s dostupnom suvremenom literaturom, ljudsko se biće, zasad, ne može isključiti iz dijagrama korištenja proizvoda koji, za sada, postoje isključivo stoga da pomognu čovjeku suočiti se sa svijetom i zadovoljiti svoje prave, iskonske potrebe.

Likovni su prikazi ovdje preneseni iz arhiva nevladine udruge *Ars Halieutica* i iz Komisije za istraživanje i očuvanje hrvatske pomorske baštine, Sekcije za morsku tehnologiju Znanstvenog vijeća za pomorstvo, HAZU, iz knjige *Die österreichisch-ungarische Monarchie in Wort und Bild*, Wien, 1893, te knjige *Trabacoli e pieleggi nel alto Adriatico*, koju je Mario Marzari objavio u poduzeću *Mursia*, u Miljanu, 1988. godine.

**Pavao Centin: Vakonce na braceri**

**Bracera Plevna - opći plan, idejna rekonstrukcija**



**Adresa autora:**  
Gospodarska 24,  
10000 Zagreb

Prije nego je muj otac introl u službu lanterniste imol je svoju braceru. Obo tuj braceri puno se provjalo, jer je po kariku bila rovna trabakulu, a bila je omatona kako bracera, na jedan jorbul sa trevun. Otac je braceru izgrodil zajedno s nikoliko prijatej, a ne znon je bil i koji kalafot s njima. Na svaki nocin bracera je bila nisto esterega. Otac bi za nikoliko vijajih vazel sobon po jelnega svuga dobrega

prijateja, a uz tu je imol uvik jednega plocenoga mornora. Tako su navigali za Mlelke, Pulju, Albaniju sve do Garske. Bil je poznot kako neustrasivi pomorac. Da spomenem samo jelnu: u Albaniji 10 taljonskih brodih, puno vecih skunih i trabakulih, cekolo je nakarcono parvin karikon od stajunih skoroncih, da bi jugo popustilo za moc traversat Adriyatik. Bracera je dusla meju zolnjima, nakarcale se i portila za Bari. Parve skoronce bi u Italiji svake stajuni jedva docekali. Azvelto su iskarcali, vazeli savuru i vrotili se u Bojanu di su nosili sve brode na sidru, kako su ih bili ostavili. Jedon Taljon in je dovikol: „Schiavone diventato matto“ (Slaven je poludio). Nakon bracere otac je pasol 30 godišć po lanternami Poreru, Palagruzi, Lastovu i Glavatu, di son i jo pasol parvih šest godišć života.

Kad je otac išao u pensijun, priselili smo se u Komizu, a ja son onda isala u pušku skulu. U ono vrime u Komizi bilo je barz i tristo riborskih brodih, dvo trabakula i dvi bracere. Jedna od tih braceri zvala se je Plevna: bila kako veliko gajeta, imala je folke i batajule i kuvertu s bukapurtun, a kapiton je bil borba Ondre Zuanić. Receni Kenjica. Imol je veliku bilu brodu, kako muj otac, a bili su i prijateji.

Kad je finila skula, a meni je bilo desetak godišć, počele su vakonce, otac me je dol na braceru borbe Ondreta. Na brodu je bil još i jedon mlođi mornor. Moja mama ni bila sa tin sasvim zadovujna, ma

**Stari talijanski „paron“ promatra obzor sa svoga trabakula**



mi je isto tako oparcala valizicu sa nisto robe i dodola jedon sir i skatulu joj. Tako son tri godiščo pasol vakonce na Plevni, parvi put malo don, a posli sve veče. Za vrime vijajih ja son na sebi imol somo krolke gaćice, a majicu, beritu i postole bi obul somo pril vecer kad bi zahlodilo.

Kad bi se vrotili u Komizu moja mama bi me nojpri u maštih tople vode isprola i izbrušinala. Onda bi zvola barbira da me paso na makinu – na pelu, jer se s cesjon ni moglo ucinit nista. U zolnju bi tukalo kupit nove postole, jer nogu naucena bit bosa ni introvala u ijedne store postole. Pocrnili bi kako corni moro, da se je vidilo somo bile zube i bilu od ocijuh, sve drugu je bilo jelnega kulura.

Kako ni bilo motora, navigalo se po donu ol ranega jutra nojpri s burinom, a posli majstrolen. Populne tukalo se duć u niki porat, jer bi pril vecer pala bonača. Ako se ni moglo naprid, fermali bi u koju valu kojega škoja. Za mene je život na brodu bilo veliku veselje, jer je borba Ondre imol mene za nika posle koji su bili zo me adatoni. Bracera je imala kajić i kal gud je bila potriba ol kajića, ja son već bil u njemu. Cinilo mi se kako da son kapiton od tega kajića.

Ako smo surgali u niku valu i vajo se vezat na krov, jo bi u kajić izvorol na pajule lanconu i vozil bi na kraj da je vezen di bi mi oni rekli. Ako je bilo potriba izvest brud vonka na vitar, jo bi vazel kajić, vezol ga za provu od broda i vozil bi, za malo pomoć onuj dvojici, koji su na brodu vozili na dvo veliko vesla od 4-5 metrih. Kal bi brud čutil malo čuha i zabrivol, ja bi pasol kajić po karmi i ukarcol bi se na brud.

Pitat ēete kako je bila spiza na brodu – najbojo. Imali smo hrone za desetak, petnaest don, 2-3 barila vode, jelnu vriču senjskih kolocih, balot slonih sardel, bakalora, slonega mesa, sira. Osin tega paste, rizih, kunpirih, pomedorih, fazula, kapule, luka, papra, soli, cukara, kafe, onda domijonicu vina, kvasine, uja.

Kal bi dusli u niko misto, nabavili bi friškega mesa i kruha. Meso bi kuholi dok bi se karcalo, po bi bilo juhe za 2-3 dona, a kupili bi voće i verdure. Jelna stvor kojo nikako ni smila falit, bil je baril slonih glav i criv za brumat, ca bismo vazeli ol fabrike pri partence iz Komize. Osin svega tega bilo je obilatega apetida, a apetid doje dobar gušt svakuj hroni.

Pril vecer bi se islo spremiť veceru ol ribe, kojo je jos bila u moru. Ako se glove ol sardel istucu u jelu kako paštu i meju

dvi ruke ucini kako balotu i hiti u more za brumat, balota bi se na lno raspala i zamutila okolo sebe i do malo bi se sve zacornilo od ušot, šporih, picih i carnjulih. U ono vrime svako je vala po škojima bila bogata ol te manjusi. Svaki ol nos trojice bi isol na svoje misto: mornor bi užegal ogonj na fugeri, borba Ondre bi vazel dašćicu i nuž, a jo tunjicu.

Na udicu bi nadil crivo ol slone ribe i hitil u oni mutez. Ni bilo potriba dugo cekot, jo bi istezal ribicu za ribicun. Ribe bi dodovol borbi Ondretu da ih ocisti, a mornor je vec spravil pofrigu i do malo bruget je bil gotuv. Na jedon veliki pjat varglo bi se pet-šest fetih kruha ili koloca i lopizu s brujeton bi se izvornilo na oni kruh. Iz pjata smo grabili svaki na svuj kvadret – tu je bil plilki puljiski moli pjat.

Bracera je imala po karmi jelnu gabina sa dvi visoke posteje. Ispol postej skafetini za robu i hronu, a meju dvi posteje skrivanja. Ispol stola skafetin s kortami i dokumentima. Navar stola kvodar svete-ga Mikule. Mornor je imol posteju u provi, a jo son bil s kapitonom u karmi. U litnju doba ovaki vijaji bili su puno lipi, ma liti užo bit i bonaca, a zno i zauhat.


Jelnega vijaja smo se u Splitu nakarcoli cimenta za novu fabriku sardinih Mardešić & Cie. Fabriku je fundol borba Joko Mardešić, ca su ga zvoli – Višćica. Fabrika se grodila na njivi blizu svetega Roka, a zemju je bil kupil u muga oca.

Justo smo bili portili iz mula ispril sonitodi u Splitu, kal nos jedon Dalmatin Drvencanin zove da ga vazmem do Komize, jerbo da je izgubil vapor. Borba Ondre je uputil mene u kajić da ga gren vazest, jer je znol da je tu sijavac, a u sebi je kalkulol da je sijavac na brodu kako niki moli motor, jer su sijovci bili poznati kako joki vogaduri. Izosli smo na vesla i pasali digu, ma bonaca je bila kolma, ni čuha ol vitra.

Vozili smo do kasno u nuć i nodijoli se da će nas čapat burin – ma nista. Sutradon duslo je dobota pulne, a mi smo

apena meju lanterne Rozonj i Livka, ca ce reć da smo u splisko vrota. Vitra ni za lik i svaku malo bi jedon ol njih trojice vazel vesto da brud barenko darzi rotu. Kal je osvanulo drugu jutro mi smo u Viskemu konolu u visini škojića Vodnjoka.

Ovo je treći don i uvik se pomalo vozi, a i frisko hrona iz Splita non pomalo skarsoje. Populne smo ostavili brud na sva jidra u kulfu i jo son sa mornoren vazel kajić i isli smo pul kraja za ujot kojega konjca za veceru. Kurenat nas nosi malo pul Šolte malo pul Visa. Cetvorti don vijaja, a mi smo jos u konolu. Kvarat mijе ispril nos vidimo jelno jato kalebih, koji se biju za nisto ca plivo. Kapiton šaje u kajić mene i mornora da gremo vidić ca je tu. Kalebii su ubili jelu veliku sipu, barz je u njuj bilo i dvo kila. Potiroli smo kalebije i vidili da je sipa friska i vargli je u kajić. Jedva smo se bronili ol kalebih, koji su tili da jin vrotimo njihovu sipu. Ucinali smo bruget ol sipe, ma takega brujeta u životu nison guštol.



**Manevri austrijske flote ispred svjetionika Porer na Visu**  
(Iz knjige Die öesterreichisch-ungarische Monarchie in Wort und Bild, Verlag der kaiserlich-koeniglichen Hof und Staatsdruckerei, Wien, 1893.)

Prid vecer smo gledoli manovre austrijske flote. Osvitlili su nos reflektorom, jer smo jin smetali. Malo posli na nos je dušla jelna torpedinjera i kroz megafon su nos pitali, na taljonski, di gremo. Stendili su non cimu, koju smo pasali jedon put okolo jorbula, a onda krov na monkule. Tako su nos remurčali do ispol Visa. Peti don nastavljomo vozit pomalo na Barjoke. Priko noći vitar je isal na jugo i kal smo šesti don muntali barjoke bilo je vitra i priko mire. Ma vitar i more su non u provu i slabo napridujemo. Uz to se dviglo i more i pocelo polivat po je tukalo jelu

filu cimenta iz kuverte hitit u more. Tako smo šesti don, za zolnju, pri pulne arivali u Komizu.

Svaku vecer tukalo je polit brud, pomest i zalist kuvetu, da se brud ne rasuši. Jo bi vazel kajić i ucinil bi jedon jir okolo broda polivajuć sa šešulun mortvu bondu. Mornor bi uredil kuvetu, a kapiton bi izošal na krov interesat se za novi karik, jer je u svakemu mistu imol nikoga svojega kako agenta.

Jelnega litnjega lneva bilo je lipega majstrola, obidvoli smo malo ranije i iz Visa uputili se, proznin brodon, u Split. Kal smo izošli u Viski konol, kapiton i mornor malo su se hitili i zadrimali, a meni su doli rotu i temun. Ispril nos je jidril jedon pujiški trabakul sa tri ruke tarcaluna na majistri. Bil je u punemu kariku. Ja son za monkul ol karme zadil jedon šćop i no nj natakal desetak senjskih kolocih, koje son destrigol do Splita. Vitor je forcal i mi smo pasali pujiza. Za nas prozni brud imoli smo puno jidor i kal se brud pocel škocat i jorbul škripat, kapiton se je probudil i ni mu bilo drago da ga nison zvol. Kal smo se u Splitu vezali pol rivu i jos pul ure iza tega, arivol je pujiz. Za mene ni bilo većega gusta nego stot na temun.

Drugega lita privozili smo barele slobne ribe iz Lastova u Komizu za fabrike. Kal smo iz Komize proznin brodon muntali puntu ol Stupišće, bilo je friškega majstrola po karmi, po smo vazeli rotu dreto na Lastovo. Baštan ol floka smo vezali na bondu i inkrožali jidra. Ma vitra je bilo sve veće i brud se je nagnil naprid toliko da je kolunba po karmi izosla iz mora i somi vorh ol temuna je bil u moru. Kol ovih brodih temun dosiže duboko ispod kolumbe, ma se temun more kalovat i dvizot kako je potriba. Vitar je još forcol i prova je zadubla u more toliko da se je morsko pina mogla dotukat rukun priko batajulih. Sve ca se moglo printi prinili smo na karmu za kontrapiz, fugeru, konope, jelno sidro, ma non se je borba Ondre zabrinul, jer ni bilo moguće u temu stanju skrotit jidra. Govoril non je: dico moja, izvornit ćemo se priko glove kako još nikur. Pril vecer dušli smo pol Lastovo i iz dajine smo vidili priko cilega škoja jelnu bilu fašu. Tu su bile bote koje su se odbijale od škoja kako je more bucalo. Jo i mornor bili smo na provi i vej smo se počeli strašit da kapiton za temunen iz karme dobro ne vidi i da ćemo udrit u krov. Mejutin kapiton je znol za jelnu valu, ca je zovu Zaklopnicu i tu je bilo jedino misto da smo mogli majnat jidra. To vala ima po

sridi jedon mali škojić koji ostovyo dvoja vrota za moć intrat u valu. Kapiton se ravnal po temu škojiću, jer je more bucalo po velikemu i po molemu škoju, ma onde di su bili vrota, onde ni moglo bucat. Tako smo mi na sa jidra i sa velikun brivodun intrali u live većo vrota i u jedonput se nošli u vali u banaci, u riporu ol škojića. Bilo je tu veliko iznenodjenje za nos dvojicu malpratike.

Majnali smo jidra, surgali se u zoklonu škojića i veceroli kako judi. U vali je bilo nikoliko surgonih kašunih koji su imoli sve bonde izbužone na rape ol 2-3 centimetra. Kašuni su bili za metar i pul sa purtelon i somo molo je ishodilo vonka mora. U te kasune ribori darzidu žive jastoge, koje nisu mogli prodat. Kasno u vecer dusal je jedon ribor s puno jastogih, po je jedon dil stavil u svuj kasun, nikoliko ih je odlu u selo, a ostole je ostavil u brodu. Brud je armizol na sidro i otvoril zdrib na lno broda. Kal se je brud napunil mora, ostalo je još pedanj vonka mora.

Kal je ujutro ribor dušal vidi jastoge nikoliko ih je već bilo krepalo, jer kroz oni moli zdrib nisu dobili friškega mora koliko je njema bilo potriba, po su se, za tako reć, udušili. Mi dvojica smo udija pomogli riboru, ispuli brud bujulima i opet molali da frišku more napuni brud i tu smo cinili dvo puta na don. Ribor je one živje odagnol u selo, a rekral non je da ol onih kreponih mozemo vazest koliko non je potriba. Nakon tega nikoliko don, mi smo jili smo jastoge, za obid i veceru. Ma kapiton non se je razbolil i čapol je anginu i udija su ga prijateji odveli u selo, a onda vaporon u Korculu na likora, a nison sigur je bilo likora u selu.

Lastovo misto ni uz more, nego posrid škoja. Jo i mornor smo jastoge kuholi lešo i na brujet, a jedon mornor non je rekral da se jastoga more ispeć kako u peći. Izdube se jama u žolo i u nju stavi jastog i sve zaspere žolen, a navar tega naloži oganj i nakun obilate ure vrimena, jastog je pecen. Ma tu nismo provali.

U selu je kapiton provjol da son jo na brodu, a kako je


moja mama bila Lesić rodom iz Lastova, udija su poslali jelnega ditmana sa konjen da me doveđe u selo. Mamin brat, borba Luka, koji je bil zidor, primil me je. Vodil me je sobom u vižite kod poznotih famij, a jo son kako moli iz lanterne Glavat dvo puta bil na Lastovu.

U Lastovu svi znaju tanburat i kol bojega svita na zidu je visil cili tanburoški orkestar, ol bisernice, broca i bugarije do berde. U ono vrime ni bilo druge mužike ol one koju se je somi cinilo, a uz tu se i kantalo. Štajun je bil ol omendulih i jo son pomagal tuč zelene kore na dvuru. Ma meni je bili drazje na brodu i onda su me uzjaholi na konja i vrotili u nasu valu na brud. Jo i mornor uživali smo da se vej ni moglo boje. Ako bi se jedon jastog somo malo obisil, bil je zo nos, a po pojima uokolo bilo je prasok, onih nojbojih, lastovski, kosmujkih, profomonih, takaoši. Po cili don smo se kupali i lovili na tunjicu iz kajića.

Nakun jelnu petnaste don, kapiton je ozdravil i onda smo se primistili, ukarcali barele slonih sardel i portili pul Komize. Kal smo se pribiljili Visu na jednu, dvi mijesolj kraja, u visini vale Duboke, bit će da je bilo dvi ure populnoća, kapiton nos budi i govori: „Azvelto, dico, majnojte jidro, čapojte tri ruke tarcarula i ukarcote kajić, spremo se nevera ol pulenta.“ Nebo je bilo čoro, ni jelna zvizda ni falila, a bonaca kako uli, tako da ni mornor ni razumil kako tu more bit. Somo navar Bišova bil je jedon moli oblacić. Kapiton je odredil mene na trocu, a mornora na manat i rekral: „Kal učini veliku more i jo zavicec „Majna!“ imote spustit jidro ca morete zvjetije. Malo

### Zavjetna slika bracere u neveri u Viškom kanalu

(Iz knjige A. Kisić, *Ex Voto, zavjetne slike hrvatskih pomoraca od 16. do 19. stoljeća*, Matica Hrvatska, Zagreb, 1982.)



posli nebo se naoblocilo u cornu nuć. Zaphalo je i pocelo lampat, garmit i dazjit. More i vitar bili su non u provu i mi smo burdižali za čapat puntu ol Stupišće, a tu hoće reć puntu ol vale komiške. Ma izmeju Bišova i Visa strahoviti je kurent i poslovička kože: „... tra Busi e Lissa, mar che te subissa ...“ („... između Biševa i Visa, more da te proguta...“)

Kad smo bili nedaleko Bišova virali smo i nodijoli se da ćemo čapat Stupišće, ma nos kurenat hitje defora Stupišće, dobota na misto di smo bili jutrus, a već je pulne. Vitar je bil voltol. Opet smo virali i uputili se pul Bišova. Kal smo bili nikako u pul puta nosli smo joku inkrozonu more i brud je nikoliko putih grubo zarolol, a ako bi u punemu kariku ukarcoli jedan kulač priko folkih, mogli smo i potenit. Kapiton vice „Majna!“ i jidro je dušlo doli, a gurnjo lantina sa pul jidra išla je priko bonde u more. Ostol je somi flok i vitar nos sad nosi pul Bišova di nima zoklona, a do kraja ni mijia i pul. Mene su ostavili na temun, rota Mezuporat, a oni dvo su isli pol provu izvadit debelu šperoncu, koju su vezali za veliku sidro i sidro pine-lali i oparcali za surgat. Kapiton je vazel temun, a jo son išal na provu i oparéol molu livo sidro. Kapiton je mislil pasat blizu livega puntina vale, surgat speroncu, zaorcat priko vale i na drugu bondu surgat molu sidro, po se tako na dvo sidra molat niz vitar. Ma more je tako bucalo da mornor ni cul kal mu je kapiton do-vikol: „Fondo speroncu!“. Jo son moje sidro utopil kako je bilo receno, ma kal je kapiton dušal na provu i vidil da speronca još visi niz bondu, čapol se za glovu i zavapil: „Sveti muj Mikula ol si zaboravil tvuga Andriju Zuanića?!“

Zvelto smo surgali speroncu, malo natrije ol muga sidra. Veliku more iz vonka nosi nos na krov, molu sidro je agvantalo, ma speronca dere po lnu i neće da čapo na krolko. Kal bi dušla kojo veliko bota, mola po malo surgadinu krež ruke da ne pukne, a kal bi malo popustilo, na ruke bi se potegli malo vanije. Razumi se da smo bili majnali flok i podvigli temun povar kolinbe. Kal je capala i speronca molali smo se do pol somi krov i vezali se na oba sidra. More bit da je bilo 6 urih populne, a mi smo ol 2 ure u jutro, svaki na svoje

misto sa svojin konopen, glojni, mokri, umorni. Tu ni bilo siguro misto, ma bojega ni bilo, po smo uredili i sebe i brud i cagod založili i popili. Ja son se hitil na niko darva blizu fugere i zaspol. Kapiton me pokril sa bukun storega floka i molol onako. Kal je bilo okolo devet urih, oni dvojica su ormolni brud i portili pul Komize, kojo je nikih šest mij od Bisova. Bilo je jedanjast urih u noći kal smo surgali u vali Komiskuj. Muj otac koji je cili don pratil ti brud kako se muci sa moren, vitron i kurenton, docekol nos je na rivi i kad je dušal na brud najparvu pito za molega, kojega ni vidil na brodu. Kapiton me ukozol ocu: „Onoga, spi kako zaklon.“ Otac me somo malo pogladil i opet pokril sa flokon i rekal borbi Ondre-tu da će sutra u jutro duć po me. Mozete zamislit moju mamu, kojo je cili don bila u pensiru i sad uokolo pulnoća vidi oca da dohodi – brez molega.

#### Rječnik nekih češčih izraza na komiškom dijalektu koji se pojavljuju u tekstu (V. Salamon)

<i>azvelto</i>	žurno
<i>berita</i>	kapa „šilterica“
<i>bota</i>	morski val
<i>briva</i>	brzina
<i>brujet</i>	kuhanjušno jelo od plodova mora
<i>brum</i>	mamilo za ribu
<i>bruškin</i>	četka za ribanje poda
<i>bujul</i>	vedrica
<i>cima</i>	kraj konopa kojim se brod veže za obalu
<i>fugera</i>	brodsko ognjište
<i>kalat</i>	spustit
<i>karik</i>	teret
<i>koloc</i>	okruglo domaće pecivo od dizanoga tijesta, nalik na perek
<i>kurenat</i>	struja
<i>kuverta</i>	paluba
<i>kvodar</i>	slika
<i>lancona</i>	debeli konop za vezivanje broda za obalu
<i>majnat</i>	spustiti
<i>monkul</i>	bitva
<i>pjat</i>	tanjur
<i>praskva,</i>	breskva,
<i>prasok</i>	bresaka
<i>provjat</i>	pričati
<i>pujiz</i>	stanovnik talijanskog mjesa Puglia, s jakom pomorskom tradicijom

<i>pulnoća</i>	ponoć
<i>rapa</i>	rupa
<i>remurć</i>	tegalj
<i>savura</i>	uteg
<i>skoronce</i>	riba iz obitelji šarana iz Skadarskog jezera (Alburnus skoranza), koju love zbog umjetnog bisera
<i>speronca</i>	debeo usukan konop koji služi kao sidro u moru u oluji razdoblje, godišnje doba ladica
<i>stajun</i>	oglavno jedro
<i>škafetin</i>	odmah
<i>treva</i>	putovanje
<i>udija</i>	veslač
<i>vijaj</i>	čep
<i>vogadur</i>	šljunak na morskom žalu
<i>ždrub</i>	briga
<i>žolo</i>	
<i>pensir</i>	

#### Konceptualno rješenje bracere plevna

Vjerojatno i zahvaljujući ovom tekstu, gajetu falkušu koju su Komižani zvali ofalkonom gajetom, u Italiji su zvali komiškom bracerom.

Pri osnivanju koncepta, u tekstu opisane bracere *Plevna*, prepostavilo se da je bracera isprva posve nalikovala na gajetu falkušu, jer je to bio obrazac koji su Komižani dobro poznavali. U tom bi slučaju kapetan s kompanjom spavao na podestu ispod krmene palube. To je, s velikim zadovoljstvom i prijateljem Božanićem, isprobao i autor ovoga članka na gajeti falkuši *Comeza-Lisboa*, u Lisbonu i Montiju u Portugalu.

No u doba kad je P. Centin formirao svoj tekst, a i prema tvrdnjama Komižana koji su braceru vidjeli, barka je vjerojatno nalikovala na standardnu jadransku brace-ru. Tako ju Centin i opisuje: „Imala je na krmi kabini s dvije postelje...!“ Ovo po-micanje kapetana broda u palubnu kućicu vjerojatno je imalo veze i sa smještajem brodskog motora ispod krmene palube. Mornar je i dalje spavao ispod provenoga škafa.

Jedro je, kako tvrdi i Centin, najvjerojatnije bilo standardno oglavno jedro falkuše, ali i bracere („...bila je omotana kako bracera, na jedan jorbul sa tre-vun.“).